

傷

寒

綱

要

覃懷孟承意著

上海中醫書局印行



南京中医药大学图书馆版权所有

傷寒綱要目錄

傷寒總論

太陽脈證

桂枝湯證上

桂枝湯證下

桂枝證附方

桂枝疑似證

麻黃湯證上

麻黃湯證下

麻黃變證汗後虛證

葛根湯證

大青龍湯證

小青龍湯證

五苓散證

十棗湯證

傷寒綱要目錄

陷胸湯證

瀉心湯證

抵當湯證

火逆諸證

陽明脈證上

陽明脈證下

梔子豉湯證

瓜蒂散證

白虎湯證

茵陳湯證

承氣湯證

少陽脈證

柴胡湯證

建中湯證

傷寒綱要目錄

二

黃連湯證

黃芩湯證

太陰脈證……………一〇五

三白散證

少陰脈證……………一〇八

麻黃附子證

附子湯證

真武湯證

桃花湯證

四逆證

吳茱萸湯證

白通湯證

黃連阿膠湯證

猪苓湯證

猪膚湯證

附咽痛諸方

四逆散證

厥陰脈證……………一三四

烏梅丸證

白頭翁湯證

熱厥利證

復脈湯證

陰陽易證

傷寒綱要

覃懷孟承意著

上海秦伯未重訂

傷寒總論

病有發熱惡寒者。發於陽也。無熱惡寒者。發於陰也。發於陽者。七日愈。發於陰者。六日愈。以陽數七。陰數六故也。

問曰。凡病欲知何時得。何時愈。答曰。假令夜半得病者。明日日中愈。日中得病者。夜半愈。何以言之。日中得病。夜半愈者。以陽得陰則解。夜半得病。明日日中愈者。以陰得陽則解也。問曰。脉有陰陽。何謂也。答曰。凡脉浮大滑動數。此名陽也。脉沉弱濇弦微。此名陰也。凡陰病。見陽脉者生。陽病。見陰脉者死。

開口先論證有陰陽。再分脉有陰陽。陰陽既明。而全部傷寒已提挈在手。

寸口脉浮爲在表。沉爲在裏。數爲在腑。遲爲在臟。

浮沉遲數。脉之大綱。表裏寒熱。證之大綱。大綱已徹。而傷寒關頭。不打自破。雜病亦然。

寸脉下不至關。爲陽絕。尺脉上不至關。爲陰絕。此皆不治。決死也。若計餘命。生死之期。期以月節。尅之也。

再以尺寸分陰陽。而陰陽更無遺蘊矣。

問曰。脉欲知病愈未愈者。何以別之。曰。寸口關上尺中三處。大小浮沉遲數同等。雖有寒熱不解者。此脉陰陽爲和平。雖劇當愈。

欲識未愈之脉。先識當愈之脉。當愈認得切。未愈何待言乎。由未識有病之脉。先識無病之脉也。

傷寒一日。太陽受之。脉若靜者。爲不傳。頗欲吐。若躁煩。脉數急者。爲傳也。

傳不傳。總在靜躁上看。

傷寒二三日。陽明少陽症不見者。爲不傳也。

傷寒二三日。三陽爲盡。三陰當受邪。其人反能食而不嘔。此爲三陰不受邪也。

要知三陰受邪。關係不在太陽。而全在陽明。

傷寒六七日。無大熱。其人躁煩者。此爲陽去入陰故也。

陽去入陰之脉。亦必數急。而不浮者也。陰者裏也。非三陰之謂。

太陽病頭痛。至七日以上自愈者。以行其經盡故也。若欲再作經者。針足陽明。使經不傳則愈。

風家表解而不了了者。十二日愈。

■太陽脉證

太陽之爲病。脉浮。頭項痛。強而惡寒。

程云。太陽經之見證。莫確於頭痛惡寒。故首揭之。

柯云。仲景作論大法。六經各立病機。一條提揭一經綱領。必擇直當之脉證。而表章之。六經雖各有表證。惟太陽主表。故表證表脉。獨太陽得其全。太陽病發熱汗出惡風脉緩者。名爲中風。

此是中風。

太陽病。或已發熱。或未發熱。必惡寒。體痛。嘔逆。脉陰陽俱緊者。名曰傷寒。此是傷寒。

太陽病發熱而渴。不惡寒者。爲病溫。

此是溫病。而非中風傷寒也。

發汗已。身灼熱者。名曰風溫。

此是風溫。亦非中風傷寒也。

太陽病。關節疼痛而煩。脉沉而細者。此名濕痹。

此是濕痹。亦非中風傷寒也。

太陽病欲解時。從巳至未上。

欲自解者。必當先煩。乃有汗而解。何以知之。脉浮。故知汗出解也。

設脉不浮。則煩又爲入裏之候矣。

太陽病未解。脉陰陽俱停。必先振慄汗出而解。但陽脉微者。先汗出而解。但陰脉微者。下之而解。若欲下之。宜調胃承氣湯。

但陽脉微者。陰必盛。陰盛。當汗出而解。但陰脉微者。陽必盛。陽盛。當下之而解。若欲下之。宜調胃承氣湯。稍和胃陰可也。

太陽病下之而不愈。因復發汗。此表裏俱虛。其人因致冒。冒家汗出自愈。所以然者。汗出表和故也。得裏未和。然後復下之。

細味兩和字。汗下有許多酌量處。不然。豈有既汗下後。表裏俱虛。而再用攻發之理乎。得裏未和。不過是申明太陽之治法耳。不是必有之症也。此條以表裏俱虛爲主。蓋前之下汗。必因誤而致虛致冒。邪究未去也。曰汗出自愈。總是逐邪。然此際甚難下手。觀兩和字。正是和其表裏。原無大攻大發之理。曰汗出表和。表邪去矣。症變百出。安知裏邪不猶有未盡也。曰然後下之。何等慎重。可知此下字與汗出表和汗字。總是申明兩和字也。和表不出小柴胡。和裏不出大柴胡。然全不出方。已可見矣。得裏未和句。正宜細審。不得謂申明太陽之治法。不是必有之症。

問曰。病有戰而汗出。因得解者。何也。答曰。脉浮而緊。按之反芤。此爲本虛。故當戰而汗出也。其人本虛。是以發戰。以脉浮。故當汗出而解。若脉浮而數。按之不芤。此人本不虛。若欲自解。但汗出耳。不發戰也。

必按之。芤不芤而虛實之真假畢露。

問曰。病有不戰不汗出而解者。何也。答曰。其脉自微。此以曾經發汗。若吐。若下。若亡血。以內無津液。此陰陽自和。必自愈。故不戰不汗出而解也。復用此字。須着眼。妄治之後。內無津液。陰陽豈能自和。必當調其陰陽。不然。脉微則爲亡陽。將轉成陰症矣。

問曰。傷寒三日。脉浮數而微。病人身涼和者。何也。此爲欲解也。解以夜半。脉浮而解者。澀然汗出也。脉數而解者。必能食也。脉微而解者。必不汗出也。

脉浮澀然汗出。是邪還於表也。脉數而能食。是胃氣回也。脉微不汗出。是正弱邪衰也。

▲桂枝湯證上

太陽病。頭痛發熱。汗出惡風者。桂枝湯主之。

太陽病。外症未解。脉浮弱者。當以汗解。宜桂枝湯。

初服桂枝湯。反煩不解者。因素有風熱在經。是以得辛甘反添煩悶。一刺風池。風府。所蓄之風熱已開。服桂枝湯。則營衛相和而自解矣。

太陽中風。陽浮而陰弱。陽浮者熱自發。陰弱者汗自出。嗇嗇惡寒。淅淅惡風。翕翕發熱。鼻鳴乾嘔者。桂枝湯主之。

用桂枝麻黃二湯。全看有汗無汗。有汗爲虛。故用桂枝湯以和之。無汗爲實。故用麻黃湯以發之。是長沙受授心法也。

太陽病。初服桂枝湯。反煩不解者。先刺風池。風府。却與桂枝湯則愈。

初服桂枝湯。或汗出不透。或經素有熱。湯內有桂枝辛甘。以助其風熱。而煩不解者。必先刺風池。風府。以洩其熱。而後用桂枝。以和其營。無不愈矣。太陽病。發熱汗出者。此爲營弱衛強。故使汗出。欲救邪風者。宜桂枝湯主之。

傷寒發汗解。半日許復煩。脉浮數者。可更發汗。宜桂枝湯。

開口曰傷寒。自是麻黃證。然以解半日許乃復煩。自是營衛未和。脉雖浮數。敢再以麻黃大發乎。故轉用桂枝湯。以和其營衛耳。

脉浮數者。麻黃湯脉也。何以不用麻黃湯。而更用桂枝湯。然此條已曾用過麻黃湯矣。故當更方以發其汗。宜桂枝湯。

病人臟無他病。時發熱自汗出而不愈者。此衛氣不和也。先其時發汗則愈。宜桂枝湯主之。

臟無他病。言純乎太陽表病也。用桂枝湯更無疑矣。

病常自汗出者。此營氣和。營氣和者外不諧。以衛氣不共營氣和諧故耳。營行脉中。衛行脉外。復發其汗。衛營和則愈。宜桂枝湯。

太陽病外證未解。不可下也。下之爲逆。欲解外者。宜桂枝湯。

凡有一毫惡寒者。卽爲外證未解也。

太陽病。發汗不解。而復下之。脉浮者不愈。浮爲在外。當須解外則愈。宜桂枝湯。割去數句。更直捷了當。

太陽病。下之其氣上衝者。可與桂枝湯。用前法。若不上衝者。不得與之。

下之以助寒水之邪。而直凌心陽。故其氣上衝也。

傷寒。醫反下之。續得下利。清穀不止。身疼痛者。急當救裏。後清便自調。身體痛者。急當救表。救裏宜四逆湯。救表宜桂枝湯。

下利。腹脹滿。身體疼痛者。先溫其裏。乃攻其表。溫裏宜逆湯。攻表宜桂枝湯。

先溫其裏。亦有不解其表而愈者。邪得溫而託出也。故曰。先溫其裏。

吐利止。而身痛不休者。當消息和解其外。宜桂枝湯小和之。

消息小和。是何等靈活。得非爲吐利之後耶。

傷寒。大下後復發汗。心下痞。惡寒者。表未解也。不可攻痞。當先解表。表解乃可攻痞。解表宜桂枝湯。攻痞宜大黃黃連瀉心湯。

既因先下後汗而成痞。再可先攻之乎。蓋表邪愈陷。永無解之之日矣。

傷寒不大便六七日。頭痛有熱者。與承氣湯。其大便圕者。知不在裏。仍在表也。當須發汗。苦頭痛者。必衄。宜桂枝湯。

宜桂枝。句直接發汗來。不是用桂枝止衄。亦非用在已衄後也。讀者勿以詞害義可耳。

太陽病。得之八九日。如瘧狀。發熱惡寒。熱多寒少。其人不嘔。圕便欲自可。一二三度發。脉微緩者。爲欲愈也。脉微而惡寒者。此陰陽俱虛。不可更發汗。更吐更下也。面色反有熱色者。未欲解也。以其不得小汗出。身必痒。宜桂枝麻黃各半湯。

認證出方。總在此一句上想像。

太陽病發熱惡寒。熱多寒少。脉微弱者。此無陽也。不可發汗。宜桂枝二越婢一湯。

無陽不可發汗。便是仲景法旨。

傷寒六七日。發熱微惡寒。肢節煩疼。微嘔。心下支結。外症未去者。柴胡桂枝湯主之。

太陽證中尋出少陽證。故用柴胡桂枝湯主之。

桂枝湯

桂枝

貳兩去粗皮

白芍

貳兩

甘草

炙貳兩

生薑

貳兩

大棗

拾枚

右以水七升。微火煮取三升。去滓。適寒溫。服一升。服已須臾。啜熱稀粥一升。以助藥力。溫覆合一時許。遍身熱熱微似有汗者。益佳。不可令如水流。

瀉病必不除。若一服汗出病差。停後服。不必盡劑。若不汗。更服依前法。又不汗。後服小促其間。半日許。令三服盡。若病重者。一日一夜服。周時觀之。服一劑盡。病症猶在者。更作服。若汗不出。乃服至十二三劑。禁生冷粘滑肉麵五辛酒酪臭惡等物。

不可及。亦不可太過。此法中之法也。

桂枝本爲解肌。若其人脉浮緊。發熱汗不出者。不可與也。常須識此。勿令誤也。本麻黃湯脉證。而於桂枝湯證內。又爲之提醒。越提得醒。越用得確。真一片婆心。

酒客病。不可與桂枝湯。得湯則嘔。以酒客不喜甘故也。

凡服桂枝湯吐者。其後必吐膿血也。

凡服桂枝湯吐者。必經中素有積熱。故不喜熱而然也。其後必吐膿血者。

因誤服桂枝之辛甘助陽。熱傷血脉。故必吐膿血也。

▲桂枝湯證下

太陽病三日。已發汗。若吐若下。若溫鍼。仍不解者。此爲壞病。桂枝不中與也。觀其脉症。知犯何逆。隨症治之。

服桂枝湯。大汗出。脉洪大者。與桂枝湯。如前法。若形如瘧。日再發者。汗出必解。宜桂枝二麻黃一湯。

大汗出。脉洪大者。必先服桂枝湯。不如法也。

太陽病。發汗遂漏不止。其人惡風。小便難。四肢微急。難以屈伸者。桂枝加附子湯主之。

亦是發汗不如法。以致大汗亡陽也。

發汗後。身疼痛。脉沉遲者。桂枝去芍藥生薑新加人參湯主之。